

傷寒緒論卷上

總論

長洲石頑張 璐路玉父纂述

余嘗考晉王叔和集仲景傷寒書。未嘗不廢書而三歎也。嗟夫。猶賴叔和爲仲景之功臣。使無叔和之集。則傷寒書同於卒病論之不傳矣。何能知有大經證治乎。卽條辨尙論。亦無從而下手也。究二子所編。各有未當。余竊不揣。復取仲景原文。重分其例。取尙論及各家之註。參以己見。成績論矣。第殘逸已多。證治不備。擬搜諸家之論以補之。雖其間互有發明。然未免多歧之惑。是不得不博採往哲之言以綴輯之。惜乎歷代名賢。遞相祖述。未能一一標明。姑從證類次第。讀者毋以辭害義可也。謹敘六經傳變合病併病標本治法。及正傷寒兩感三陰中寒冬溫寒疫傷風溫病風溫時行大頭溫疫溫瘧溫毒陽毒陰毒熱病中暑濕溫中濕風濕濕熱瘧病內傷虛煩脚氣霍亂內癰赤膈黃耳夾食夾痰夾水夾血夾氣夾陰冒雨溺水重身產後等四十證。暨以審證死證。逐一辨論如左。

傷寒。人悉知爲足經。不知有手經證。間出也。傷寒初受病時。頭項痛。腰脊強。惡寒。足太陽也。發熱面赤。惡風。手太陽也。目疼鼻乾。不得臥。足陽明也。蒸熱而渴。手陽明也。胸脇滿痛。口苦。足少陽也。耳聾及痛。

傷寒緒論序

穆叔有云。太上有立德。其次有立功。其次有立言。此之謂不朽。信哉是言也。吾聞古之賢達。不居仕朝。卽在醫卜之中。屈指往古名醫。如秦和之論六氣。越人倉公設爲問難。歷歷垂之左史。未始無功德於後世也。若路玉張子者。可以希蹤往哲。配德前人。但素抱夷曠。若不屑於應酬。曾有客長揖而謁先生曰。吾觀今世之延醫治病者。皆耳食。皆目皮相。余爲先生效曹邱生可乎。張子拒之。客又曰。今之習醫者。數招權顧金錢。事實人。是其長技。臨時驗證。則先備一二語以探之。製劑時。則以雜揉湯液投之。若先生者。能悟醫中最上源頭。復有余爲曹邱生。何慮名之不揚宇內哉。張子撫手而嘯。遂謝客。後知握齟者流。窮困則辱身下志。富厚則快意驕人。不足與談道。於是銳意精研。靈素金匱諸篇。取趙以德喻嘉言之註。而復斧之。正其誤。去其繁。明其晦。補其缺。銓仲景傷寒六經之次。至於結胸痞滿。溫熱諸篇。鑒然不混載。取往哲遺言。隸諸類證細證。所以輔仲景之未逮。列爲續緒二論。三復讀之。知天下未有之奇蘊於此矣。是書也使智者目之。天穎迅發。愚者瞿然而悟。罔者危坐正襟。洗心滌慮。好自用者。目眩然而不瞋。舌橋然而不下。洵爲傷寒之大成。其德被於天下後世也溥矣。豈特有功於仲景而已哉。嘻。張子真不愧乎立言矣。

同邑李瑾譔

傷寒緒論目錄

卷上

總論六經

傷風

傳變

合病

併病

標本

治法

傷寒

兩感

三陰

中寒

冬溫

寒疫

濕溫

中濕

風濕

濕熱

瘧病

內傷

虛煩

腳氣

霍亂

陰毒

赤痢

中暑

脈法

察色

辨舌

宜禁

却法

卷下

發熱

頭痛

頭重

頭脹

項強

惡風

惡寒

背惡寒

寒熱

如瘧

潮熱

無汗

自汗

盜汗

頭汗

手足厥

煩熱

煩躁

懊憹

身體痛

拘急

心下滿

胸脇滿痛

痞



結胸

小腹滿痛

發斑

下利

小便自利

腸鳴

欬嗽

渴

唾膿血

振

怫鬱

厥

失音不語

藏結

譫語

發黃

便膿血

小便數

噦

喘

漱水

熱入血室

戰慄

戴陽

踈臥

喉痹

腹滿

鄭聲

不大便

小便不利

嘔吐

噫氣

短氣

衄血

畜血

肉瞤筋惕

四逆

骨甲青

頭眩

腹痛

發狂

自利

小便難

乾嘔

呃逆

氣逆

吐血

動氣

瘕瘕

足冷

咽喉乾痛

鬱冒



南京中醫藥大學圖書館版權所有

不仁

厥暈

心悸

驚惕

不得眠

多眠

魇厥

藏厥

狐惑

百合

舌卷囊縮

陽縮

直視搖頭

遺尿

循衣撮空

絕汗

勞復

食復

女勞復

陰陽易

遺熱

發頤

喜唾

差後浮腫

雜方

刺灸穴法

雜方目錄

陽旦湯

附陰旦湯

黃耆建中湯

再造散

香蘇散

芎蘇散

參蘇飲

神朮湯

十神湯

升麻湯

葛根葱白湯

增損葛根葱白湯

連鬚葱白香豉湯

選奇湯

藿香正氣散

人參敗毒散

倉廩湯

荆防敗毒散

連翹敗毒散

普濟消毒飲

六神通解散

獨活散

達原飲

生犀飲

清熱解毒湯



南京中醫藥大學圖書館藏

人中黃丸

人中黃散

涼膈散

雙解散

黃連解毒湯

三黃石膏湯

導赤瀉心湯

射干麻黃湯

金沸草散

萎蕤湯

栝蔞根湯

防己黃耆湯

麻黃杏仁薏苡甘草湯

羌活勝濕湯

除風濕羌活湯

補中益氣湯

生脈散

清暑益氣湯

清燥湯

十味香薷飲

六和湯

消暑十全散

黃連香薷飲

局方香薷飲

消暑丸

益元散

大順散

冷香飲子

漿水散

升麻鱉甲湯

陰毒甘草湯

陽毒升麻湯

犀角黑參湯

犀角大青湯

消斑青黛飲

黃連橘皮湯

橘皮竹茹湯

赤茯苓湯

小續命湯

如聖飲

大羌活湯

羌活導滯湯

葶藶苦酒湯

黃龍湯

厚朴七物湯

代抵當湯丸

金匱下瘀血湯

備急丸

大黃附子湯

二陳湯

小半夏茯苓湯橘皮半夏湯

導痰湯

加味導痰湯

平胃散

香連平胃散胃苓湯

五積散

調中湯

調中飲

人參養胃湯

沈香降氣散



南京中醫藥大學圖書館藏

香殼散

當歸活血湯

犀角地黃湯

生地黃黃連湯

竹葉湯

四物湯

青歸湯 四烏湯 增損四物湯 加減四物湯 柴胡四物湯

當歸補血湯

紫蘇飲

逍遙散

加味逍遙散

歸脾湯

加味歸脾湯

四君子湯

異功散 六君子湯

東垣升陽散火湯

火鬱

節菴升陽散火湯

十全大補湯

大建中湯 人參養營湯

參胡三白湯

人參三白湯

參胡芍藥湯

參胡溫膽湯

十味溫膽湯

酸棗湯

金匱腎氣丸

崔氏八味丸 濟生腎氣丸

六味地黃丸

附子理中湯

枳實理中湯 治中湯

連理湯

金匱大建中湯

益元湯

附子散

附子粳米湯

羌活附子散

霹靂散

火燄散

稀涎散

皂莢丸

葶藶大棗瀉肺湯

桔梗湯

葶藶薏苡瀉肺湯

射干湯

大黃牡丹湯

赤小豆當歸散

黃連犀角散

百合地黃湯

逍遙湯

金液丹

黑錫丹

來復丹

養正丹



南京中醫藥大學圖書館藏

傷寒緒論卷上

總論

長洲石頑張 璐路玉父纂述

余嘗考晉王叔和集仲景傷寒書。未嘗不廢書而三歎也。嗟夫。猶賴叔和爲仲景之功臣。使無叔和之集。則傷寒書同於卒病論之不傳矣。何能知有大經證治乎。卽條辨尙論。亦無從而下手也。究二子所編。各有未當。余竊不揣。復取仲景原文。重分其例。取尙論及各家之註。參以己見。成績論矣。第殘逸已多。證治不備。擬搜諸家之論以補之。雖其間互有發明。然未免多歧之惑。是不得不博採往哲之言以綴輯之。惜乎歷代名賢。遞相祖述。未能一一標明。姑從證類次第。讀者毋以辭害義可也。謹敘六經傳變合病併病標本治法。及正傷寒兩感三陰中寒冬溫寒疫傷風溫病風溫時行大頭溫疫溫瘧溫毒陽毒陰毒熱病中暑濕溫中濕風濕濕熱瘧病內傷虛煩腳氣霍亂內癰赤膈黃耳夾食夾痰夾水夾血夾氣夾陰冒雨溺水重身產後等四十證。暨以審證死證。逐一辨論如左。

傷寒。人悉知爲足經。不知有手經證。間出也。傷寒初受病時。頭項痛。腰脊強。惡寒。足太陽也。發熱面赤。惡風。手太陽也。目疼鼻乾。不得臥。足陽明也。蒸熱而渴。手陽明也。胸脇滿痛。口苦。足少陽也。耳聾及痛。

寒熱往來。手少陽也。腹滿自利而吐。足太陰也。口乾津不到咽。手太陰也。脈沉細。口燥渴。足少陰也。舌乾不得臥。手少陰也。耳聾囊縮。不知人。足厥陰也。煩滿厥逆。手厥陰也。傷寒以冬月寒水主令。故受病必先巨陽。若夫非時暴寒。亦必隨時傷犯。與夫時行疫癘。隨其歲氣而犯虛經異治。疫雖以六氣為主。總不離陽明濕土。至於伏氣發溫。必先少陽證見。熱病多兼包絡三焦。皆熱邪自內達外。其治法可領悟矣。按靈樞十二經脈。轉注如環。豈有六經傳變。只傳足經。不傳手經之理。如太陽傳陽明。謂循經傳。太陽傳少陽。謂越經傳。太陽傳太陰。謂誤下傳。太陽傳少陰。謂表裏傳。太陽傳厥陰。謂首尾傳。因此經本虛。邪即傳之本。無定例也。故傷寒有六經之傳變。無藏府之傳次也。所以在太陽經有犯本者。有即入陽明之府者。有傳至陽明之經而自經入府者。有傳至少陽之經而入陽明之府者。是以仲景有太陽陽明正陽陽明少陽陽明之別也。入府則邪有定著。不復傳次也。非但入府不傳。即太陽之犯本。少陽之入府。俱不復傳矣。是知三陽有傳變有併合。三陰有傳經直入而無併合也。即有三陰經轉出三陽。或傳入府。皆是邪氣向衰。正氣得復之候。並無厥陰復傳太陽之理。此昔人所未明言也。而傳足不傳手之說。尤屬非理。王安道曰。傷寒不傳手經。此開卷之首疑。而諸家紛紛竟無定論。竊意只傳足經者。蓋以邪氣在經。未入藏府而言。若入藏府。則不可謂之獨在足經矣。何以言之。夫手太陽者小腸也。手陽明者大腸也。邪氣入胃。

致有燥屎。大承氣湯下之。小腸上接胃。下接大腸。燥屎由大腸而出。二經得無與乎。手少陽者三焦也。邪在一身。三焦獨能安乎。手太陰者肺也。肺爲清肅之藏。主氣升降。假如欬嗽氣逆。肺能保其清肅乎。手少陰者心也。手厥陰者心包也。表裏熱極。神狂志亂。豈有君相二火。反泰然清靜者哉。東垣此事難知。曰。傷寒傳至五六日間。漸變神昏不語。或睡中獨語一二句。目赤唇焦。舌乾不飲水。稀粥與之則嘔。不與則不思。六脈細數而不洪。大心下不痞。腹中不滿。大小便如常。或傳至十日以來。形貌如醉人狀。虛見神昏。不得已用承氣下之誤矣。不知此熱邪傳手少陰心經也。導赤瀉心湯主之。與食則嘔者。邪不在胃也。不與則不思。以其神昏也。既不在胃。誤與承氣下之必死。今傷寒溫熱傳變多有此證。不可不察也。

至於合病併病。亦須明辨。昔趙嗣真極意洗發。不過曰合病者。二陽經或三陽經同受病。病之不修者也。併病者。一陽經先受病。又過一經。病之傳者也。以病之不傳者。概合病。雖爲定論。但未明言合病多由冬時過溫。少陰不藏。溫氣乘虛先入於裏。然後更感寒氣。閉鬱於外。寒熱錯雜。遂至合病。其邪內攻。必自下利。不利卽上嘔。邪勢之充斥奔迫。從可識矣。其黃芩湯雖主太陽少陽合病。白虎湯雖主三陽合病。而實溫病熱病主方。慎不可以此誤治傷寒合病。設誤用之。必難救藥也。其傷寒合病。仲景自有桂枝加葛根湯。葛根加半夏湯。葛根湯。麻黃湯等治法。觀仲景諸例。自可見矣。

併病者。先一陽經病未罷。又加一經證見。兩經聯貫爲一也。嗣真云。太陽陽明併病。若併而未盡。是傳未過。尚有表證。若併之已盡。是爲傳過。當下之。按此雖曰併病。而實傳經也。或言本二經病。一經證先盡。歸併於一經者。爲併病。此說似是而尤誤也。按仲景二陽併病。太陽初得病時發其汗。汗先出不徹。因轉屬陽明一條。此則太陽陽明併病也。至於二陽併病。太陽證罷。但發潮熱一條。雖曰二陽併病。又云太陽證罷。獨見陽明府證。所以用大承氣湯。專治府實。而不復用併病例藥也。考仲景書合病併病證。或止言太陽。或止言陽明。少陽者甚多。如太陽病桂枝證。醫反下之。利遂不止。脈促者表未解也。喘而汗出者。葛根黃芩黃連湯主之。此非太陽陽明併病例藥乎。

又如標本治例。全要活法。所謂一病之標本者。如太陽中風桂枝證。先惡寒爲本。後發熱爲標。其陽明熱病白虎證。口燥心煩爲本。背微惡寒爲標。此治本不治標也。○又兩病之標本。如伏氣發溫。復感客邪證。伏氣爲本。客邪爲標。治以涼膈必加蔥豉。其內傷發熱兼冒虛風證。內傷爲本。虛風爲標。治宜補中略入羌防。此治本兼治標也。○又傳經之標本。本太陽病。初得病時發其汗。汗先出不徹。因轉屬陽明。此太陽爲本。陽明爲標。治以葛根仍用麻黃。此治標必從本也。○又一經之標本。如太陽病。頭痛發熱自汗。桂枝證爲本病。後六七日不解。而煩渴飲水。邪入膀胱之本。五苓證爲標病。此隨證治本治標也。○又一身之

標本如病人身大熱反欲得近衣。以其人陽氣素虛。寒邪外鬱於表。熱在皮膚爲標。寒在骨髓爲本。宜小建中加黃耆。病人身大寒反不欲近衣。以其人蓄熱素盛。寒鬱熱邪於內。寒在皮膚爲標。熱在骨髓爲本。宜桂枝湯加黃芩。此寒熱互見。標本合治。不必如活人書先後治例也。○又寒熱之標本者。如病人脈微而濇。夏月盛熱欲著複衣。冬月盛寒欲裸其身。盛熱欲著複衣者。陽微則惡寒也。宜附子理中加黃連。盛寒欲裸其身者。陰弱則發熱也。宜竹葉石膏加附子。此不從標本從乎中治。仲景所謂醫病是也。○又先後之標本者。傷寒醫下之續得下利清穀不止。身疼痛急當救裏。後身疼痛清便自調。急當救表。先受寒身疼痛爲本病。後誤下之續得下利清穀爲標病。先四逆救裏治標。後桂枝救表治本也。標本之法略舉數條爲例。詳仲景證治諸法。餘可類推。

夫仲景治法不同。非極力精研不能悟其闡奧也。原夫傷寒之邪。其始也必先太陽寒水之經。所以惡寒發熱。此爲表之外證。故宜發汗開腠理而通其熱則愈。或有汗之而不愈者。必有所夾而致。或夾痰。或夾食。或夾水氣。或夾內傷。須辨脈證用藥。然必先撤外邪。稍兼清理痰氣。而後專理他證。若內外併治。邪必內入。所謂汗之不得其宜而入三陽之本也。古云發表未除不可攻裏。上盛未除不可攻下。真不易之定例也。○傷寒三陽證宜汗。失汗必致傳經。汗之不得其宜。或入三陽之本。或傳三陰之經。若入三陽之本。

此爲表之裏證。當隨證分利和解。若入陽明之府。必大便燥結潮熱。手足漿漿自汗。腹滿煩渴。當俟結定。方可攻裏。所謂下不厭遲也。若裏實燥渴。飲水過多。或下傍流之水者。急下之。若傳三陰之經。必自下利。腹滿噎乾。燥渴厥逆。舌卷囊縮。詳緩急下之。此雖曰三陰實陽證也。○大抵傷寒身熱者。爲熱在表。引飲小便黃赤。爲熱在裏。身熱引飲。小便黃赤。爲表裏俱有熱。身涼不渴。小便清白。爲表裏俱無熱。又曰身拘急。表熱惡寒。脈浮緊。爲邪熱在表。引飲讞妄。腹滿實痛。發熱便秘。脈沉緊。爲邪熱在裏。胸脇痞滿。或嘔吐往來寒熱。脈在肌肉。爲邪熱在半表半裏。自利脈沉細。但熱而無頭痛。或燥渴多喜溫飲。自覺足寒。爲少陰本虛而挾陽邪。雖是陽證而實夾陰。與陽虛自中陰寒不同。亦有陽證誤用寒藥。而變爲虛寒者。又有汗下太過。致陽虛而惡寒者。皆始本陽邪。未傳寒中之證。並宜加溫經藥。不可拘於傷寒皆爲熱邪。禁用溫補之說。然究其根源。從陽經來者。溫經藥中。又不得不兼制陽藥。若峻用辛熱。則真陰立槁也。觀真武湯中用芍藥茯苓。其義可見。○王安道云。傷寒傳變不常。或有循經而傳者。或有越經而傳者。或有傳二三經而止者。或有只在一經者。或有傳至三陽而止者。或有傳盡六經不罷者。有從陽經傳變而爲熱證者。有直中陰經而成寒證者。有初入太陽不作鬱熱而成真陰證者。有始寒終熱者。有始熱終寒者。全在脈與證別之。詳三陽之邪。則一於熱耳。至三陰經證之或寒或熱者。何也。夫仲景書本非全文。既遭叔和

播亂之厄。成無己止隨文註釋。竟不明言何由爲熱何由爲寒之故。此非不欲言也。蓋止知傷寒皆是傳經。故疑於六經所傳俱爲熱證。而熱無變寒之理。遂不敢別白耳。以寒爲本藏之寒歟。安得當熱邪傳裏之時。反獨見寒而不見熱者。且所用之藥。能不助傳經之熱乎。以寒爲外寒歟。則在三陽已成熱矣。豈有傳至三陰而反爲寒哉。成氏能潛心乎此。則必悟其所以然矣。○夫三陽之病。其寒邪之在太陽也。寒鬱其陽。陽不暢而成熱。陽雖人身之正氣。既鬱則爲邪矣。用麻黃發表以逐其寒。則腠理通而鬱熱泄。故汗出而愈。苟或不汗不解。其熱不得外泄。則必入裏。故傳陽明傳少陽。而或入府也。夫三陰之病。或寒或熱者何哉。蓋寒邪之傷人也。或有太陽經鬱熱。然後以次而傳至陰經者。或有太陽不傳陽明少陽而便傳三陰經者。或有寒邪不從陽經而始直傷陰經者。或有雖從太陽而始不作鬱熱。卽入少陰而獨見少陰證者。或有始自太陽。卽入少陰。而太陽不能無傷者。或有直傷陰經而寒變爲熱。及始寒終熱者。其鬱熱傳陰。則爲熱證。其直傷陰經。及從太陽。卽入少陰。則爲寒證。其太陽不能無傷。則爲脈沉而發熱證。其始寒而終熱者。則陰邪傳出陽分。爲先寒後發熱證。此三陰之病。所以或寒或熱也。邪氣暴卒。本無定情。而傳變不常耳。若夫裏寒外熱之證。乃是寒邪入客於內。迫陽於外。或是虛陽之氣。假作外熱之狀耳。非眞熱邪所爲也。觀仲景裏寒外熱之證。但以溫藥治裏。而不治外熱。則知所治之意矣。所以仲景治太陽經

虛汗之不愈。卽用四逆湯溫之。如太陽病發熱頭痛脈反沉。若不差。身體疼痛。當救其裏。宜四逆湯是也。更有少陰表證宜汗者。如少陰病始得之。反發熱脈沉者。麻黃附子細辛湯主之。少陰病得之二三日。麻黃附子甘草湯微發汗。以二三日無裏證。故微發汗也。趙嗣真云。太陽證之溫經。少陰證之發汗。皆證類之變。故長沙各言反者。以太陽發熱頭痛脈當浮。今反沉。少陰脈沉。法當無熱。今反發熱也。以其無頭痛。故爲少陰。以其有頭痛。故爲太陽。太陽脈當浮。今不能浮者。以裏虛久寒。正氣衰微所致。又身疼痛。故宜救裏。使正氣內強。迫邪出外。而乾薑生附亦能出汗也。少陰脈沉無頭痛。當不發熱。今反發熱。知寒邪在表。鬱閉而爲熱。故用麻黃細辛以發表邪之熱。附子以溫少陰之經。熟附配麻黃。發中有補。生附配乾薑。補中有發也。至第二證。言得之二三日。病氣尙淺。比之前證稍輕。又無裏證。變見。故宜微發汗。所以去細辛加甘草。是汗劑之輕者也。活人書却去無證二字。改作常見少陰熱陽證者。如經云。心中煩不得臥。或咽瘡聲不出者。或欬而嘔渴。或口燥咽乾。或腹脹不大便是也。夫豈麻黃附子甘草湯所可治耶。○復有三陰轉屬胃府宜下者。如傷寒脈浮而緩。手足自溫。是爲繫在太陰。太陰者身當發黃。若小便自利者。不能發黃。至七八日大便鞭者。爲陽明也。又少陰病六七日。腹脹不大便者。急下之。宜大承氣湯。厥陰下利。譫語有燥屎者。小承氣湯下之是也。更有三陰轉出肌表宜汗者。如太陰病脈浮者可發汗。宜桂枝湯。少

陰中風陽微陰浮者爲欲愈厥陰病下利後身疼痛清便自調者急當救表宜桂枝湯厥陰病嘔而發熱者小柴胡湯又有少陰變熱回陽者如少陰病惡寒而踴時時自煩欲去衣被者可治凡此皆陰盡復陽也至於汗下誤施變害不測東垣云太陽始病當以汗解若當汗不汗則濕熱著表而發黃發汗太過經虛風襲而成痙不當汗而汗迫血妄行而成衄大便不可妄動動早爲犯禁當汗誤下則引邪入裏而爲痞結懊憹協熱利當下誤汗則爲亡陽厥竭譫語小便不可輕利利之爲犯本若渴而自汗多雖小便不利爲陽明經熱不可誤用五苓蓋五苓爲太陽裏證下藥其功在於驅胃中濕熱而救津液故仲景又有小便數大便鞭不更衣十日無所苦渴者宜五苓散之例一以自汗多而渴爲津液耗散故禁利水傷津藥一以小便數而渴爲濕熱內盛故宜驅熱利水藥此當利不當利之別也若當利不利必就陽明燥火而成畜血發黃不當利而利必耗膀胱津液而成燥血發狂此皆誤治之失也○又按活人書云傷寒陽明證宜下少陰證宜溫夫陽明之經證身熱目疼鼻乾頭痛可宜下乎少陰之傳經熱邪可宜溫乎況溫病熱病之少陰尤不可溫也自奉議此說行後世蒙害者不少矣○又兩感證先救裏以四逆湯後救表以桂枝湯長沙本云先後發表攻裏未嘗言救裏也今以攻爲救豈不相背若用四逆湯是以火濟火而腹滿譫語囊縮等證何由而除兩感雖爲死證亦不當如是處治也○至於直中三陰寒證仲景在太陰

則曰藏寒。以太陰居中邪不能入。必因冷物受傷也。在少陰不曰中寒。卽曰少陰病者。以少陰本寒水藏。若陰寒中藏必死。今受病者少陰經耳。故處方皆用溫經。在厥陰乃曰中風。以風喜傷肝也。○凡六經中俱有中風傷寒之辨。如太陽脈浮有汗爲中風。浮緊無汗爲傷寒。陽明善饑爲中風。不能食爲傷寒。少陽耳聾脇滿爲中風。口苦咽乾爲傷寒。若三陰風寒無變異形證。但以四肢煩疼爲中風。手足寒厥爲中寒耳。○凡傳經少陰熱證。在本經失治。或治之未當。則復傳厥陰。熱深厥亦深。而咽痛者爲喉痺。嘔者轉爲吐。癰膿下利者轉爲便膿血。甚者發熱厥逆。躁不得臥。仍是胃氣先絕而死矣。○凡虛寒壞證。多少陰厥陰。然少陰最忌發熱。發熱則恐腎中真陽飛越。厥陰最喜發熱。發熱則陰盡復陽。但少陰發熱必大發躁悶亂不安。誠爲危候。若利止厥回。脈見陽微陰浮。又爲欲愈之徵也。厥陰發熱則厥逆止而漸溫。腹脹少緩而囊縱。吐利止而思食。方爲陰盡復陽。若見煩熱消渴脈數。又爲真陰灼燄之象矣。○又有少陰中風證。按盛起東云。凡初起但覺畏寒。饑不能食。欲吐不吐。腹濡滿。大便祕。小便頻數及多。脈來弦細浮弱。按之無根。此爲少陰本虛自中之風。慎不可以其腹滿不大便而誤下之。下之必不可救也。蓋寒則自利腹痛。風則腹滿不大便而按之不堅。寒則小便清利。風則小便頻數。寒則身冷厥逆。風則自覺煩熱而手足煩疼。寒則嘔逆不食。風則欲吐不吐。饑不能食。稍食則脹滿不禁。寒則脈來沉細。風則脈來浮弱。以風本